



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### გერ-დედინაცვალი

გერ-დედინაცვალი, ხალხური ეპოსის პერსონაჟები, ქართული ზღაპრის პოპულარული გმირები.

გერი მიმზიდველი, კეთილი, გარეგნულად მომხიბლავი პიროვნებაა, ხშირად მზეთუნახავიც არის. დედინაცვალი ბოროტი ძალის განსახიერებაა, ცბიერი, შურიანი, გარეგნობით – მახინჯი.

გ.-დ-ის ციკლის ხალხ. თხზულებანი ძირითადად საოჯახო ტრაგედიას ასახავენ, რ-საც გ.-დ-ის კონფლიქტი უდევს საფუძვლად. კონფლიქტის საბაბი, უმეტეს შემთხვევაში, გერისა და დედინაცვლის შვილის დაპირისპირებაა. გ.-დ-ის ჭიდილში, როგორც წესი, გერი იმარჯვებს. ხალხ. თხზულებათა ავტორების სიმპათია გერის მხარეზეა. დედინაცვლის მიერ მოგონილ უაღრესად ძნელ დავალებათა შესრულებაში მას ქომაგები ეხმარებიან, დედინაცვალი მარცხდება.

გ.-დ-ის სახეები ცნობილია მსოფლიო ფოლკლორში.

ლიტ.: ლ ლ ო ნ ტ ი ა., ქართული ხალხური ნოველა, წგ. 1-2, თბ., 1963-66;  
М е л е т и н с к и й Е.. Герой волшебной сказки, М., 1956.

**ფ. ზანდუკელი**

---